



Broj: 05/01-04-13651-14/23
Sarajevo, 06.06.2023. godine

SKUPŠTINA KANTONA SARAJEVO

- ovdje -

n/r Elvedin Okerić, predsjedavajući

PREDMET: Dostava odgovora na zastupničko pitanje - zastupnica Admela Hodžić

Zastupnica Admela Hodžić na Sedmoj radnoj sjednici Skupštine Kantona Sarajevo, održanoj dana 19.04.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je zastupničko pitanje, kako slijedi:

"Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22) upućujem zastupničko pitanje direktoru Kantonalne javne ustanove za zaštićena prirodna područja Kantona Sarajevo i nadležnom ministarstvu, zbog čega nije poduzeto ništa po pitanju inicijative koju sam uputila prema Ministarstvu prostornog uređenja, građenja i zaštite okoliša (donošenje odluke kojom će naložiti da se važeći cjenovnici usluga za posjetitelje Kantonalne javne ustanove za zaštićena prirodna područja dopune):

1. Populacija RVI - ne plaća uz dokument,
2. Porodice šehida i poginulih boraca - ne plaćaju uz dokument,
3. Osobe s invaliditetom - ne plaćaju uz dokument.

OBRAZLOŽENJE

Na osnovu odgovora na moju inicijativu, prema primjedbama gore navedenih kategorija naših građana do danas niste poduzeli ništa. Dio Vašeg odgovora je naveden u obrazloženju ovog pitanja.

Kantonalna javna ustanova zaštićena prirodna područja KS dostavlja akt broj: 07-3-991-1/19 Sarajevo, 19.11.2019. godine.

PREDMET: Mišljenje po zastupničkoj inicijativi/veza Vašeg broj i datum, 05/01-05-38844-95/19 RA od 13.11.2019. godine. Dio odgovora:

„Po navedenom očitujemo se da je ova javna ustanova u fazi izrade novih cjenovnika usluga za posjetioce zaštićenih prirodnih područja po uzoru na usluge u zaštićenim prirodnim područjima u regionu, iz razloga što su po važećim cjenovnicima cijene ulaza i usluga bazirane na socijalnim a ne ekonomskim parametrima. Stoga predlažemo da se na nivou Kantona Sarajevo zauzme jedinstven stav po pitanju benefita za populaciju RVI, porodice šehida i poginulih boraca i osobe s invaliditetom tako da se iznađe način korištenja usluga od strane svih pravnih lica koja korisnicima nude usluge kao npr. usluge korištenja Trebevičke žičare, ulaza u Pionirsku dolinu, posjete Tunelu spasa i si.“

ODGOVOR:

U prilogu dostavljamo Odgovor Kantonalne javne ustanove za zaštićena prirodna područja broj: 06-1-375-1/23 od 02.06.2023. godine.

Pored odgovora KJU za zaštićena prirodna područja vrijedi napomenuti da se sredstva za obavljanje poslova zaštite, održavanja i promocije zaštićenih prirodnih područja u Kantonu Sarajevo, osiguravaju, između ostalog, i iz vlastitih prihoda KJU za zaštićena prirodna područja, a što uključuje i prihode od ulaznica u dva od ukupno pet zaštićenih područja.

Imajući u vidu da pojedina zaštićena prirodna područja iz godine u godinu bilježe povećanje broja posjetioca, te da je bilo potrebno dodatno analizirati i uskladiti posjete sa zaštitom vrijednosti u zaštićenim područjima, Ministarstvo je još 2019. godine u saradnji sa UNDP-ijem pokrenulo aktivnosti na izradi planova upravljanja posjetiocima Spomenika prirode "Vrelo Bosne", Zaštićenog pejzaža "Bijambare" i Zaštićenog pejzaža "Trebević". Pomenuti dokumenti tretiraju ukupni nosivi kapacitet posjetilaca područja a da ne dođe do negativnog uticaja na postojeće prirodne resurse i okoliš u cjelosti, zatim najbolje metode upravljanja posjetiocima, kao i elemente socijalne uključenosti ranjivih kategorija stanovništva, pa i kroz segment određivanja cijena ulaznica u navedena područja.

U tom smislu izrađivač planova, uzimajući u obzir ekonomske i socijalne prilike, te geografski okvir, predložio je visine dnevnih i godišnjih ulaznica po kategorijama stanovništva, kao i kategorije stanovništva za koje bi trebao ulaz u zaštićena prirodna područja biti besplatan. Međutim, predložene kategorije posjetioca i visina cijena imaju orijentacijsku vrijednost i moći će se utvrditi tek nakon provedenih analiza koje su navedene u samom dokumentu, a koje trebaju biti usaglašene sa upravljačkim i drugim dokumentima KJU za zaštićena prirodna područja.

Inače, planirano je da planovi upravljanja posjetiocima budu sastavni dijelovi važećih planova upravljanja Spomenikom prirode "Vrelo Bosne", Zaštićenim pejzažem "Bijambare" i Zaštićenim pejzažem "Trebević", te će isti nakon pribavljenih mišljenja Ureda za zakonodavstvo Vlade Kantona Sarajevo, Ministarstva pravde i uprave Kantona Sarajevo i Ministarstva finansija Kantona Sarajevo biti upućeni Vladi Kantona Sarajevo na razmatranje i odlučivanje. Procedura pribavljanja mišljenja je u toku.

S poštovanjem,

Prilog:

- Odgovor KJU za zaštićena prirodna područja broj: 06-1-375-1/23 od 02.06.2023. godine



Dostaviti:

- ☉ Predsjedavajući Skupštine Kantona Sarajevo
- Stručna služba Vlade Kantona Sarajevo
- Služba za skupštinske poslove + CD
- Evidencija (2x)
- a/a



Broj: 06-I-375-1/23
Sarajevo, 02.06.2023. godine

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO
Ulica: Reisa Džemaludina Čauševića broj 1
71 000 Sarajevo

Bosna i Hercegovina
Federacija Bosne i Hercegovine
KANTON SARAJEVO
**Ministarstvo komunalne privrede, infrastrukture, prostornog uređenja,
građenja i zaštite okoliša Kantona Sarajevo**
Ulica: Reisa Džemaludina Čauševića broj 1
71 000 Sarajevo

PREDMET: Odgovor po upućenom zastupničkom pitanju /veza Vaš broj i datum: 01-04-1356-14/23 od 19.04.2023. godine dostavlja se

Dana 26.04.2023. godine Kantonalna javna ustanova za zaštićena prirodna područja zaprimila je dopis -zastupničko pitanje skupštinske zastupnice Admele Hodžić.

Zastupnica u Skupštini Kantona Sarajevo je u zastupničkom pitanju od 19.04.2023. godine tražila pojašnjenje zbog čega se nije ništa uradilo po pitanju inicijative koja je upućena 2019. godine prema tadašnjem Ministarstvu prostornog uređenja, građenja i zaštite okoliša i prema Javnoj ustanovi a odnosi se na dopune važećih cjenovnikausluga za posjetitelje Kantonalne javne ustanove za zaštićena prirodna područja dopune na način da:

- Populacija RVI ne plaća ulaz uz dokument;
- Porodice šehida i poginulih boraca ne plaćaju ulaz uz dokument
- Osobe s invaliditetom ne plaćaju ulaz uz dokument.

U kontekstu gore navedenog, dostavljamo sljedeći:

O d g v o r

Osnovna djelatnost Kantonalne javne ustanove za zaštićena prirodna područja je zaštita, održavanje i promocija zaštićenih područja i drugih zaštićenih prirodnih vrijednosti u cilju zaštite i očuvanja izvornosti prirode, osiguravanja nesmetanog odvijanja prirodnih procesa i održivog korištenja prirodnih dobara, te nadzora nad provođenjem uslova i mjera zaštite na području na kome upravlja shodno odredbama Zakona o zaštiti prirode („Službene novine Federacije BiH“, broj 66/13).

Kao što je poznato ova javna ustanova upravlja zaštićenim prirodnim područjima u Kantonu Sarajevo, a to su: Spomenik prirode "Skakavac", Zaštićeni pejzaž "Bijambare", Spomenik prirode "Vrelo Bosne", Zaštićeni pejzaž „Trebević“ i Zaštićeni pejzaž „Bentbaša " u skladu sa Zakonom o proglašenju Spomenika prirode „Vrelo Bosne“ („Službene novine Kantona Sarajevo“ broj 6/10-

Prečišćeni tekst), Zakonom o proglašenju Zaštićenog pejzaža „Bijambare“ („Službene novine Kantona Sarajevo“ broj 6/10-Prečišćeni tekst), Zakonom o proglašenju šireg područja vodopada „Skakavac“ spomenkom prirode („Službene novine Kantona Sarajevo“, broj 11/10), Zakonom o proglašenju Zaštićenog pejzaža „Trebević“ („Službene novine Kantona Sarajevo“, broj 15/14), Zakonom o proglašenju Zaštićenog pejzaža „Bentbaša“ („Službene novine Kantona Sarajevo“, broj 31/17), prostornim planovima područja posebnih obilježja, planovima upravljanja i drugim propisima.

Pored obavljanja osnovne djelatnosti koja je propisana članom 3. Odluke o osnivanju Kantonalne javne ustanove za zaštićena prirodna područja (“Službene novine Kantona Sarajevo”, broj 31/17), Kantonalna javna ustanova za zaštićena prirodna područja u svrhu osiguranja dodatnih izvora finansiranja i teženje ka samoodrživosti zaštićenih prirodnih područja te stjecanja vlastitih prihoda, vrši naplatu ulaza u područje Spomenika prirode “Vrelo Bosne” i područje Zaštićenog pejzaža “Bijambare” kao i pružanje usluga prijevoza turističkim vozom na elektro pogon i obilazak speleoloških objekata u Zaštićenom pejzažu “Bijambare”.

Tokom rada u Javnoj ustanovi se ukazala potreba za preispitivanjem već postojećih cijena ulaza i usluga u zaštićenim prirodnim područjima Kantona Sarajevo ka oi uvođenja novih sadržaja i naplate usluga. U tom kontekstu, Programom rada Kantonalne javne ustanove za zaštićena prirodna područja sa finansijskim planom za 2022. godinu je predviđena izrada i donošenje Cjenovnika naplate ulaza i usluga za zaštićena prirodna područja Kantona Sarajevo. U cilju izvršenja navedene aktivnosti Javna ustanova je prema Ministarstvu komunalne privrede, infrastrukture, prostornog uređenja, građenja zaštite okoliša uputila Inicijativu za zajedničku priprmu Cjenovnika karti i usluga u zaštićenim prirodnim područjima broj:06-179/22 od 25.08.2022.godine. Međutim aktivnosti se nisu okončale u 2022. godini, te je direktor u okviru svojih ovlaštenja donio Odluku o imenovanju Radne komisije za pripremu prijedloga cjenovnika naplate ulaza i drugih usluga u zaštićenim prirodnim područjima Kantona Sarajevo broj: 03-499/23 od 19.05.2023. godine. Zadatak radne komisije je priprema cjenovnika koji bi trebali preispitati važeće cijene usluga, te utvrditi cijene za dodatne usluge. Nakon usvajanja planova upravljanja posjetiocima (Plan upravljanja posjetiocima za područje Spomenika prirode “Vrelo Bosne”, Plan upravljanja posjetiocima za područje Zaštićenog pejzaža “Trebević” i Plan upravljanja posjetiocima za područje Zaštićenog pejzaža “Bijambare”) će se pristupiti sistemskoj analizi i sagledavanja svih potreba Upravitelja u skladu s prirodnim i kulturno-historijskim vrijednostima koji su zastupljeni u zaštićenim prirodnim područjima Kantona Sarajevo, ka oi formiranju usluga i izrade cjenovnika.

Naime, resorno Ministarstvo je još 2020. godine nakon prethodno obezbjeđenih novčanih sredstva započelo procedure na izradi planova upravljanja posjetiocima, obezbjedilo izvršioca usluga na izradi Plana upravljanja posjetiocima za područje Spomenika prirode “Vrelo Bosne”, Plana upravljanja posjetiocima za područje Zaštićenog pejzaža “Trebević” i Plana upravljanja posjetiocima za područje Zaštićenog pejzaža “Bijambare”. Navedenim planovima upravljanja će se sagledati turistički potencijali zaštićenih prirodnih područja Kantona Sarajevo, kulturno - historijske vrijednosti, prirodne vrijednosti, geološke i druge vrijednosti, te adekvatno tome formirati turističke ponude zaštićenih prirodnih područja Kantona Sarajevo. Planovi upravljanja posjetiocima su prošli kroz procedure javne rasprave te su u završnoj fazi i u skorije vrijeme se trebaju usvojiti od strane Vlade Kantona Sarajevo.

Također, Javna ustanova je putem projekta pod nazivom Projekat Nature for Recovery (Razvoj novih turističkih projekata na području Spomenika prirode Skakavac i njegovog okruženja) obezbjedila izvršioca usluga na izradi Plana upravljanja posjetiocima za područje Spomenika prirode „Skakavac“ koji bi razvio i razradio način upravljanja posjetiocima na širem području Skakavca, odredio potrebnu infrastrukturu i kapacitete nosivosti prostora u skladu s propisanim mjerama zaštite



prirode, kao i dao preporuke za prihvatanje i upravljanje posjetiocima koji neće ugroziti valorizovane prirodne i druge vrijednosti zaštićenog prirodnog područja.

Isto tako navodimo i činjenicu da je od sredine 2021. godine funkciju direktora Kantonalne javne ustanove za zaštićena prirodna područja preuzeo Asad Jelešković te da je već Programom rada za 2022. godinu predložio izradu novih cjenovnika usluga.

Javna ustanova će putem Radne komisije izvršiti pripremu prijedloga cjenovnika te dostaviti Upravnom odboru Javne ustanove na razmatranje i donošenje.

S poštovanjem,



Asad Jelešković, dipl.ing.polj.

Dostaviti:

1. Skupštini Kantona Sarajevo putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo
2. Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, kao informaciju
3. U spis predmeta